

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02 -14-4-662-6/19  
Datum: 08.04.2019.godine

Na osnovu člana 23. stav (3) tačka h), te člana 24. stav (1) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16), člana 100. stav 3. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-1197 od 26.02.2018. godine, u postupku javne nabavke usluga osiguranja motornih vozila, putem otvorenog postupka, za policijskog komesara načelnik Sektora kriminalističke policije, Uprave policije Ministarstva unutrašnjih poslova Kantona Sarajevo, d o n o s i:

**ODLUKU**

1. Usvaja se žalba ponuđača EUROHERC osiguranje dd Sarajevo br. 02-14-4-1801 (interni broj: 193031375 izjavljena na Odluku broj: 02-14-4-662-4/19 od 20.03.2019. godine.
2. Stavlja se van snage Odluka o poništenju postupka javne nabavke broj: 02-14-4-662-4/19 od 21.03.2019. godine.
3. Predmet se vraća na ponovno odlučivanje, nakon čega će ugovorni organ donijeti novu Odluku.
4. Odbija se zahtjev žalitelja za povrat sredstava uplaćenih na ime naknade za pokretanje žalbenog postupka.

**Obrazloženje**

Na osnovu Odluke broj: 02-14-4-662/19 od 07.02.2019. godine i Obavještenja o nabavci broj: 16475-1-2-28-3-21/19 od 15.02.2019. godine, proveden je otvoreni postupak javne nabavke usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-14-4-662-2/19 od 11.03.2019.godine, za aktivno učešće u postupku dostavljene su ponude ponuđača: Osiguranje Aura A.D. Banja Luka, Adriatic osiguranje d.d. podružnica Sarajevo, Sarajevo osiguranje d.d. Sarajevo, Grawe osiguranje d.d. Sarajevo i EUROHERC osiguranje d.d. Sarajevo.

U označenom postupku javne nabavke donesena je Odluka o poništenju postupka javne nabavke broj: 02-14-4-662-4/19 od 20.03.2019. godine iz razloga što nije dostavljena niti jedna prihvatljiva ponuda, jer ponuđači nisu ispunili zahtjeve ugovornog organa propisane tenderskom dokumentacijom.

Po donošenju gore navedene Odluke žalbu je izjavio ponuđač EUROHERC osiguranje dd Sarajevo.

Žalba je blagovremena, dopuštena i izjavljena od strane ovlaštene osobe.

U žalbi ovaj ponuđač navodi da je u obrazloženju Odluke o poništenju postupka javne nabavke usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo kao razlog odbijanja ponude EUROHERC osiguranje dd Sarajevo ugovorni organ naveo sljedeće: „... da je ova ponuda nepotpuna i ne ispunjava uslove tražene u tenderskoj dokumentaciji, jer Izjava o ispunjenosti uslova iz člana 45. stav (1) tačka od a) do d) Zakona o javnim nabavkama i Izjava ponuđača iz člana 52. Zakona o javnim nabavkama u skladu tačkom 11. tenderske dokumentacije, te u skladu sa Zakonom o javnim nabavkama, nisu ovjerene od strane nadležnog organa. Prema tome ponuda Ponuđača EUROHERC osiguranje d.d. Sarajevo nije prihvatljiva.“ Žalilac navodi u žalbi da je pismenu Izjavu iz člana 45. stav (1) tačka od a) do d) Zakona o javnim nabavkama kao i Izjavu iz člana 52. Zakona o javnim nabavkama uredno dostavio, da je uredno popunjena od strane ovlaštenog predstavnika i na poledini istih se nalazi uredna ovjera od strane notara, kao ovlaštenog organa. Takođe, ističe da je ugovorni organ Odluku o poništenju donio protivno odredbama Zakona o javnim nabavkama BiH.

Razmotrivši navode žalbe Uprava policije Ministarstva unutrašnjih poslova Kantona Sarajevo je utvrdila slijedeće:

Uvidom u ponudu ponuđača EUROHERC osiguranje dd Sarajevo, utvrđeno je da je na strani 192. Ponude ovaj ponuđač dostavio Izjavu iz člana 45. stav (1) tačka od a) do d) Zakona o javnim nabavkama, te da je ista ovjerena od strane notara dana 11.03.2019. godine, te da je Komisija za sukcesivne nabavke napravila previd kod pregleda i ocjene ponuda.

Takođe, uvidom u ponudu ponuđača EUROHERC osiguranje dd Sarajevo, utvrđeno je da je na strani 198. ponude ovaj ponuđač dostavio Izjavu iz člana 52. Zakona o javnim nabavkama, te da je ista ovjerena od strane notara dana 11.03.2019. godine, te da je Komisija za sukcesivne nabavke napravila previd kod pregleda i ocjene ponuda.

Kako je za predmetnu nabavku Odlukom o poništenju postupka javne nabavke broj: 02-14-4-662-4/19 od 20.03.2019. godine poništen postupak javne nabavke usluga osiguranja motornih vozila za potrebe Uprave policije Ministarstva unutrašnjih poslova Kantona Sarajevo, iz razloga što nijedna od primljenih ponuda nije prihvatljiva za ugovorni organ, jer ponuđači nisu ispunili zahtjeve ugovornog organa propisane u tenderskoj dokumentaciji, ugovorni organ na naprijed navedeno zaključuje, nakon sagledavanja svih činjenica, da je ponuđač EUROHERC osiguranje dd Sarajevo dostavio uredne Izjave gore navedene a tražene tenderskom dokumentacijom. Takođe, u tom kontekstu je žalilac ispoštovao sve zahtjeve tenderske dokumentacije, te se njegova žalba iz tih razloga uvažava kao osnovana, čime je ponuda ponuđača EUROHERC osiguranje dd Sarajevo prihvatljiva u predmetnoj nabavci.

U pristiglim ponudama Komisija za sukcesivne nabavke za potrebe Uprave policije u ponovnom pregledu i ocjeni ponuda utvrdila je postojanje računskih grešaka kako slijedi:

- Ukupni iznos u ponudi ponuđača Osiguranje Aura A.D. Banja Luka nakon ispravljanja računске greške, treba da iznosi 211.714,40 KM umjesto upisanih 210.637,40 (razlika 1.077,00 KM).
- Ukupni iznos u ponudi ponuđača Adriatic osiguranje d.d. podružnica Sarajevo nakon ispravljanja računске greške, treba da iznosi 207.104,00 KM umjesto upisanih 207.062,00 KM (razlika 42,00 KM).
- Ukupni iznos u ponudi ponuđača Grawe osiguranje d.d. Sarajevo nakon ispravljanja računске greške, treba da iznosi 326.561,64 KM umjesto upisanih 325.961,64 KM (razlika 600,00 KM).
- Ukupni iznos u ponudi ponuđača EUROHERC osiguranje d.d. Sarajevo nakon ispravljanja računске greške, treba da iznosi 209.308,04 KM umjesto upisanih 209.766,53 KM (razlika 458,49 KM).

Shodno naprijed navedenom ugovorni organ će postupiti u skladu sa članom 17. stav 1. i stav 5. Uputstva za pripremu modela tenderske dokumentacije i ponuda („Službeni glasnik BiH“ broj: 90/14 i 20/15), a u vezi sa članom 68. Stav 4. tačka g. Zakona o javnim nabavkama BiH („Službeni glasnik BiH“ broj: 39/14). Dakle, ugovorni organ je obavezan poslati zahtjev za ispravku računске greške, nakon čega će donijeti odgovarajuću odluku.

Kako je ugovorni organ postupio u skladu sa članom 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14) te blagovremeno riješio po ovoj žalbi, to do plaćanja naknade za žalbu neće niti doći, te se shodno tome zahtjev žalitelja za povrat novčanih sredstava uplaćenih na ime naknade za pokretanje žalbenog postupka odbija.

Nakon što su razmotreni navodi žalbe ponuđača EUROHERC osiguranje dd Sarajevo, proveden postupak ponovnog pregleda i ocjene ponuda po žalbi i utvrđeno činjenično stanje, odlučeno je kao u dispozitivu ovog rješenja, a u skladu sa članom 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14).

**Pouka o pravnom lijeku:** Protiv ovog Rješenja može se izjaviti žalba Uredu za razmatranje žalbi, putem ovog Ugovornog organa, u pisanoj formi, neposredno, elektronskim putem, faxom ili poštom preporučeno, u roku od 5 (pet) dana od dana prijema ove Odluke, a u skladu sa članom 99. i 100. stav 4. Zakona o javnim nabavkama BiH („Službeni glasnik BiH“ broj:39/14).

**za POLICIJSKOG KOMESARA  
NAČELNIK SEKTORA KRIMINALISTIČKE POLICIJE**

**inspektor policije**

**Dostaviti:**

1. Komisiji za sukcesivne nabavke
2. Ponuđačima
3. Odjeljenju za odnose s javnošću, radi objave na web stranici ovog organa
4. a/a

